



## Universitätsbibliothek Paderborn

**Scintillæ Ignatianæ, Sive Sancti Ignatii De Loyola,  
Societatis Jesu Fundatoris Apophthegmata Sacra**

**Hevenesi, Gábor**

**Coloniæ, 1715**

**VD18 10988289**

15. Octobris. Divulsum à corpore membrum neque motum, neque  
sensum, neque omnino vitam à corpore suo accipit. S. Ignat. apud Orland.  
l. 15. n. 196.

[urn:nbn:de:hbz:466:1-50423](#)

pendere deberent mentis aciem, pernicio-  
sâ planè diligentia in alienam messem im-  
mittunt.

### 15. Octobris.

*Divulsum à corpore membrum neque mo-  
tum, neque sensum, neque omnino vitam  
à corpore suo accipit. S. Ignat. apud Or-  
land. l. 15. n. 196.*

**T**am diu frugifer est, & in honore pal-  
mes, quam diu manet in vite, si steri-  
lis rescindatur, ad nihil valet, præterquam  
ad ignem fovendum. Nulla ei sine vite  
vita, nullus vigor, fructus nullus.

Non palmiti, sed viti adscribenda ferti-  
litas, botros ille fert, sed ista gignit, & alit.  
Qui se à communitate separat, separat se à  
Dei benedictione, quæ non privato, sed  
cœribus integris est destinata.

Ut membrum in corpore luxatum, ac  
distortum, sibi, & aliis dolorem creat; ita  
exlex in communitate aliis exemplo, sibi  
vitâ, nocet. Quid mirum? quod de rescin-  
dendo chyrurgi consultent.

Mittere sanguinem, non est prodigere;  
bene perditur noxius, ne reliquus vitium  
trahat, ex quo totius corporis valetudo pe-  
ri-

ricliterur. Id nempe curandum magis,  
quid corpori, quam quid membro expediat.

### 16. Octobris.

*Hoc inter felicitatem humanam, & Christi  
crucem interest, quod illa gustata fastidi-  
tur; hac quo plus est pota, maiorem suum  
accedit. Ignat. apud Ribaden.*

**E**Tiam amara condiri possunt, non mo-  
dò ut prosint, sed etiam ut sapiant ut  
appetantur; quis crederet? nisi experien-  
cia docuisset, Laurentio ignes videri esse  
rosas.

*Quidquid recipitur, per modum recipi-  
entis recipitur: apis etiam ex amaro thymo  
novit mel confidere, ex durissimo ligno,  
alembyci artificio, salutares eliquantur  
succi. Quod in his potest ars, poterit in  
nobis gratia.*

*Discendo pati, dediscimus miseriam;  
amando crucem, plus eam, quam suis ullis  
voluptatibus, delectamur. Sic in suis rosa  
spinis exultat, & quas alii penas crede-  
rent, ipsa decoris sui custodes amat. Sic la-  
ter tribulos acanthis modulatur.*

*Nec magnum est mysterium, gravia non  
graviter ferre; si futurum est malum: male  
nunc*